

Paulo Nhoma A Eto So Abien A  
 Ɔkyerɛw Kɔmaa  
 Korintofo

*Nkyia*

<sup>1</sup> Saa krataa yi fi Paulo a Onyankopɔn ayi no sɛ Kristo Yesu somafo no ne Timoteo a ɔyɛ yɛn nuanom no mu baako nkyɛn,

Wɔde saa krataa yi rekɔma Onyankopɔn asafo a ɛwɔ Korinto ne ahotefo a wɔwɔ Akaiaman mu no nyinaa:

<sup>2</sup> Adom ne asomdwoe a efi yɛn Agya Onyankopɔn ne Awurade Yesu Kristo nka mo.

*Onyankopɔn Boa Yɛn*

<sup>3</sup> Momma yɛnna Onyankopɔn a ɔyɛ yɛn Awurade Yesu Kristo Agya a ɔyɛ mmɔborɔhunu Agya na ɔyɛ Onyankopɔn a awerɛkyekye nyinaa fi no no ase.

<sup>4</sup> Ɔkyekye yɛn werɛ wɔ yɛn amane nyinaa mu na yɛnam awerɛkyekye a yɛn ankasa anya afi Onyankopɔn nkyɛn no so atumi akyekye afoforo a wɔwɔ amane ahorow mu no werɛ. <sup>5</sup> Sɛnea yɛahu amane wɔ Kristo mu no, saa ara nso na yenya Kristo awerɛkyekye a ɛdɔɔso no. <sup>6</sup> Mo awerɛkyekye ne mo nkwagye nti yehu amane. Efisɛ sɛ Kristo kyekye yɛn werɛ a yɛn nso yɛnam so betumi akyekye mo werɛ. Ɛno bɛma moanya ntoboase ahu amane sɛ yɛn nso. <sup>7</sup> Enti gyidi a yɛwɔ wɔ mo mu no nhinim. Yenim sɛ, sɛnea mo ne yɛn hu amane no, saa ara nso na munya awerɛkyekye a yenya no bi.

<sup>8</sup> Anuanom, yεpe sε yetwe mo adwene ba ɔhaw a εtoo yen wɔ Asia mantam mu no so. Amane a yeƒaa mu no so, na na emu ye duru enti yen asetena mu anidaso nyinaa yerae. <sup>9</sup> Nokware mu, yegye too mu sε yεrebewu. Saa asεm yi sii, sεnea εbeyε a yεremfa yen ho nto yen ankasa so, na mmom yede yen ho bεto Onyankopɔn a ɔma awufo sɔre no so. <sup>10</sup> Wayi yen aƒi saa owu amanehunu yi mu na ɔbekɔ so agye yen. Ɔno na yede yen ani ato no so sε, sε mokɔ so bɔ mpae ma yen a, <sup>11</sup> obegye yen bio. Eyi kyerε sε obebua mpae dodow biara a mobɔ ma yen no, na Onyankopɔn behyira yen, na dodow no ara ama wɔn nne so de ada no ase ama yen.

*Paulo Sesa Ne Nhyehyεε*

<sup>12</sup> Yehoahoa yen ho sε yen ahonim mmu yen ƒɔ, yeatena ase nokwareɔ mu, ne titiriw ne bere a yeƵɔ mo nkyen no. Enye wiase nyansa na εkyerε yen kwan. Mmom, yen akwankyerε fi Onyankopɔn adom no mu. <sup>13</sup> Nsεm a mubetumi akenkan ate ase nko na yeƵkyerεw de brε mo. Mewɔ anidaso sε mobεte biribiara a <sup>14</sup> monte ase yiye no ase daakye sεnea εbeyε a da a Awurade Yesu bεba no, mode yen behoahoa mo ho na yen nso yede mo ahoahoa yen ho.

<sup>15</sup> Na minim sε saa asεm yi bεba mu. Eno nti na mehyehyεε sε mεba abεsra mo na moanya nhyira mprenu. <sup>16</sup> Meyεε m'adwene sε, sε merekɔ Makedonia a mεba mo nkyen, na meresan nso a, mafa mo nkyen ansa na makɔ Yudea. <sup>17</sup> Modwene sε mantumi ansi m'adwene pi wɔ nea εsε sε meyε hoa ana? Anaasε mete sε obi a ɔka se "Yiw" anaa "Dabi" sεnea εbεsɔ afoforo ani?

<sup>18</sup> Onyankopɔn ye ɔnokwafo. Enti sε meka se yen mmuae ye "Yiw" bere biara a eyε "Yiw", enye "Dabi" da. <sup>19</sup> Efisε Yesu Kristo, Onyankopɔn Ba no a me Paulo, Silas ne Timoteo kaa ne ho asεm kyerεε mo no nsesa.

Ɔnka “Yiw” ne “Dabi” da. Bere biara odi n’asem so. <sup>20</sup>Ɔno mu na Onyankopɔn bɔhye nyinaa awie pɛye. Eyi nti yenam Yesu Kristo so ka “Amen” de hye Onyankopɔn anuonyam. <sup>21</sup>Afei Onyankopɔn no ankasa na ɔma yene mo tumi gyina pintinn wɔ Kristo mu. Ɔno na ɔsraa yɛn <sup>22</sup>faa yɛn sɛ ne de, na ɔde ne Honhom Kronkron no hyee yɛn koma mu de sii nea ɔwɔ ma yɛn nyinaa so dua.

<sup>23</sup>Mefɛ Onyankopɔn sɛ m’adanse. Onim me koma mu. Sɛnea ebeye a mubɛnya kwan agye mo ahome nti na mankɔ Korinto no. <sup>24</sup>ɛnye yɛn adwene ne sɛ yɛbɛhye mo ama moagye biribi adi, na mmom mo ahotɔ nti na yene mo yɛ adwuma. Efisɛ enam mo ankasa gyidi so na mubegyina pintinn.

## 2

<sup>1</sup>Enti meyee m’adwene sɛ meremma mo nkyɛn bio mmɛhye mo awerɛhow. <sup>2</sup>Sɛ mebɛhye mo awerɛhow a hena na ɔbɛkyekyere me werɛ? Me ara a mahye mo awerɛhow no ana? <sup>3</sup>Ɔno nti na mekyerɛw saa krataa no brɛe mo. Na mɛmpɛ sɛ meba mo nnipa koro no ara a mubegye m’ani no nkyɛn abɛhye mo awerɛhow. Minim yiye sɛ, sɛ me ho tɔ me a, mo nso mo ho bɛtɔ mo. <sup>4</sup>Mede amanehunu, awerɛhow ne nusu na ɛrekyerɛw mo saa krataa yi. Mankyerɛw mammɛhye mo awerɛhow, na mmom, mekyerɛw de bɛkyerɛe ɔɔɔ a medɔ mo nyinaa.

### Bɔne Fafiri

<sup>5</sup>Sɛ obi ahye afoforo awerɛhow a, ɛnye me na wahye me saa awerɛhow no, na mo anaase mo mu bi na wahye no saa awerɛhow no. Mɛmpɛ sɛ me nsa ye den wɔ saa onipa no so. <sup>6</sup>Aso a dodow no ara atwe no no dɔɔso ma no. <sup>7</sup>Ɔsɛ sɛ mode kyɛ no na mokyekye ne werɛ sɛnea ebeye a awerɛhow renhye ne so. <sup>8</sup>Mesɛ mo, momma onhu sɛ mopɛ n’asem pa ara.

*Hena Na Oye Ma Saa Dwumadi Yi?*

<sup>9</sup> Nea enti a mekyerew mo krataa no ne se: Mepɛ se mihu se moatumi agyina sɔhwɛ no ano pintinn na nsem a meka kyerɛ mo no nso, mudi so ana. <sup>10</sup> Se obi ye bɔne bi na mode kyɛ no a, me nso mede kyɛ no. Se ɛho hia se mede bekyɛ na mede kyɛ a, ɛse se mede biribiara kyɛ. Na mo nti na meye saa wɔ Kristo anim <sup>11</sup> sɛnea ɛbeyɛ a, ɔbonsam rennya yen ho kwan, efise yenim ne nsusuwii.

<sup>12</sup> Bere a miduu Troa kɔkaa Kristo ho Asɛmpa no, mihuu se Awurade ama adwuma no ye ho kwan wɔ ho. <sup>13</sup> Nanso me werɛ howee, efise na minhu yen nua Tito. Enti mekraa nnipa a wɔwɔ ho no na misii mu kɔɔ Makedonia.

<sup>14</sup> Yɛda Onyankopɔn ase se daa odi yen kan wɔ yen anigye ne nkonimdi santen wɔ Kristo mu ma ɔde yen trɛw ne ho nimdeɛ huamhuam no mu. <sup>15</sup> Yeyɛ Kristo aduhuam wɔ wɔn a wɔregye wɔn nkwa ne wɔn a wɔreyera no mu ma Onyankopɔn. <sup>16</sup> Na wɔn a wɔreyera no de, eyɛ wɔn hua bɔne a etumi kum. Nanso wɔn a wɔregye wɔn nkwa no de, eyɛ hua a ɛma wɔn nkwa. Hena na obetumi agyina adwuma a eyɛ den sɛɛ anim? <sup>17</sup> Yɛnte se nnipa afoforo bi a wɔfa Onyankopɔn asem se adetɔnnne bi, na esiane se Onyankopɔn asoma yen no nti, yɛka nokware wɔ n'anim se Kristo asomfo.

### 3

*Mo Gyidi Boa Asɛnka No*

<sup>1</sup> Eyi kyerɛ se yerehoahoa yen ho bio ana? Anaase yehia adansedi nkrataa a efi yen nkyɛn anaa mo nkyɛn sɛnea afoforo hia no ana? <sup>2</sup> Mo ankasa moyɛ krataa a ɛwɔ yen nkyɛn a wɔakyerew wɔ yen koma mu sɛnea ɛbeyɛ a obiara behu na wakenkan. <sup>3</sup> Mote se krataa a Kristo nam yen som so akyerew. ɛnye adubiri na wɔde kyerew no

ɔbo pon so na mmom Onyankopɔn a ɔte ase no Honhom na wɔde kyerɛw guu nnipa koma mu.

<sup>4</sup> Saa ahotoso yi na yɛnam Kristo so anya wɔ Onyankopɔn fam. <sup>5</sup> Biribiara nni yɛn mu a ebetumi ama yɛasi yɛn bo aka se yeбетumi ayɛ saa adwuma yi. Ahoɔden a yɛwɔ no fii Onyankopɔn. <sup>6</sup> ɔno na wama yɛn afata sɛ N'Apam Foforo ho asomfo. Efi Honhom Kronkron no na emfi mmara a wɔakyerɛw. Mmara de owu ba na Honhom no ne nea ɛma nkwa.

### *Kristo Anuonyam Foforo*

<sup>7</sup> Mmara a ɛde owu bae no, na wɔakyerɛw no ɔbo pon so, nanso anuonyam a na ekura no nti nnipa no antumi anhwɛ Mose anim. Mose anuonyam hyerɛnee nanso saa anuonyam no dumii. <sup>8</sup> Enti apam a Honhom no de ba no rennya anuonyam mmoroso ana? <sup>9</sup> Sɛ mmara a ɛde owu ba no wɔ anuonyam a, ɛno de nea ɛma yɛtɛɛ wɔ Onyankopɔn anim no rennya anuonyam a ɛboro so ana? <sup>10</sup> Nokware mu, Apam Foforo no anuonyam mmoroso nti, mmara a ɛde owu ba no anuonyam ayera. <sup>11</sup> Na sɛ anuonyam wɔ biribi a ɛnkyɛ mu a, ade a ɛwɔ hɔ daa no anuonyam bɛyɛ nea ɛso yiye.

<sup>12</sup> Esiane sɛ yɛwɔ saa anidaso yi nti, yɛwɔ akoko-duru. <sup>13</sup> Yɛnte sɛ Mose a ɔde nkataanim kataa n'anim sɛnea ɛbɛyɛ a Israelfo no renhu nea ɛretwa mu no awiei. <sup>14</sup> Nanso ntease a wɔannya no nti besi nnɛ yi, sɛ wɔkenkan Apam Dedaw nhoma no a, saa nkataanim no da so kata wɔn adwene so. Ansa na nkataanim no befi hɔ no, gye sɛ wogyɛ Kristo di. <sup>15</sup> Nnɛ yi mpo, bere biara a wɔbɛkenkan Mose mmara no, nkataanim no da so kata wɔn koma so. <sup>16</sup> Nanso sɛ obi gye Awurade di a woyi nkataanim no fi hɔ. <sup>17</sup> Na Awurade ne Honhom no, na baabiara a Awurade Honhom wɔ no ahotɔ wɔ hɔ. <sup>18</sup> Yɛn a nkataanim biara nkata yɛn anim no, Awurade anuonyam

hyerEN wO yEN anim, na Awurade Honhom no sakra yEN kO n'anuonyam mu.

#### 4

##### *Honhom Mu Agyapade A EwO Nkuku Mu*

<sup>1</sup> Onyankopɔn nam n'adom so de saa asEM yi abre yEN na ENO nti Emma yEN koma ntutu. <sup>2</sup> YEagyaE kokoamsEM ne aniwu nneyeE nyinaa. YENnaadaa na yentwa Onyankopɔn asEM no ho nkontompo. YENnaadaa obi mma onnye nea KyerEwsEM no nkae no nni. Yegyae saa aniwude no nyinaa. Yegyina Onyankopɔn anim kasa nti yeKa nokware ma wɔn a wonim yEN no nyinaa gye di. <sup>3</sup> SE Asempa a yeKa no ye ahintasEM a, eyE ahintasEM ma wɔn a wɔreyera. <sup>4</sup> Wonnye nni, efise ɔbonsam aseE wɔn adwene. ɔtwe wɔn fi hann a EhyerEN wO wɔn so no ho; hann a efi Asempa no mu a Efa Kristo a ɔte se Onyankopɔn anuonyam no ho no. <sup>5</sup> ENye yEN ankasa ho na yeKa asEM no fa. YeKa Yesu Kristo ho asEM se ɔno ne Awurade no na yEN nso Yesu nti, yeyE mo asomfo. <sup>6</sup> Onyankopɔn a ɔkae se, "Hann mfi sum mu nhyerEN" no, ɔno na wahyerEN wO yEN koma mu ama yeanya Onyankopɔn anuonyam ho nimdeE wO Yesu Kristo mu.

<sup>7</sup> Yete se nkuku a wode agyapade asie mu. Tumi ankasa no fi Onyankopɔn na emfi yEN. <sup>8</sup> Yetaa hu amane, nanso wɔnsEeE yEN. Mpo se yenhu nea yenyE a yempa abaw. <sup>9</sup> Amane mu, Onyankopɔn ka yEN ho, na se wɔɔbO yEN hwe fam a yeSɔre bio. <sup>10</sup> Mmere nyinaa yEN nipadua no soa Yesu wu a owui no, senea EbeyeE a n'abrabO beda adi wO yEN mu. <sup>11</sup> YEN asetena mu nyinaa, Yesu nti, yete hO ma owu, senea EbeyeE a n'abrabO beda adi wO yEN nipadua a ewu no mu. <sup>12</sup> Eyi kyerE se owu di ne dwuma wO yEN mu na nkwa nso di ne dwuma wO mo mu.

<sup>13</sup> Kyerεwsεm no ka se, “Mekasae, efisε na migye di.” Saa honhom mu gyidi no ara so na εma yεn nso yεkasa, efisε yegyε di. <sup>14</sup> Yenim sε Onyankopɔn a ɔmaa Awurade Yesu sɔre fii awufo mu no bεma yεne Yesu asɔre na ɔde yεn abεka mo ho wɔ n’anim. <sup>15</sup> Mo nti na eyinom bεba mu; na sεnea Onyankopɔn adom no redu nnipa bebre nkyεn no, saa ara nso na wɔbεbɔ mpae ada Onyankopɔn ase de ahyε no anuonyam.

<sup>16</sup> Esiane eyi nti, yεn koma ntutu. εwɔ mu sε yεn nipadua no reporɔw nkakrankakra de, nanso yεn honhom no de, εsesa yε foforo da biara. <sup>17</sup> Na saa ɔhaw kakra a yεfa mu no de anuonyam a enni awiei a εboro saa ɔhaw no so no bεbre yεn. <sup>18</sup> Yεmfa yεn adwene nkɔ nneεma a yehu so, na mmom, nneεma a yenhu so na yεde yεn adwene kɔ. Nea wotumi hu no ntena hɔ nkyε, nanso nea wontumi nhu no tena hɔ daa.

## 5

<sup>1</sup> Yenim sε sε yewu na yegyaw saa nipadua yi a yebenya nipadua foforo a Onyankopɔn ankasa ayε a εbetena hɔ daa wɔ ɔsoro hɔ. <sup>2</sup> Mprempren, yesi apini pε sε wɔde ɔsoro atēnae foforo no kata yεn ho, <sup>3</sup> efisε sε wɔde kata yεn ho a yεn ho renna hɔ bio. <sup>4</sup> Na sε yεwɔ saa ɔhonam yi mu a, yesi apini na adēsoa bi da yεn so; εnyε sε yεmpε sε yegyaw nipadua no, na mmom yεpε sε wɔde ɔsoro atēnae foforo no kata yεn ho sεnea εbεyε a nkwa bεmene nea ewu no. <sup>5</sup> Onyankopɔn na wasiesie yεn ama saa nsakrae yi. Na ɔde ne Honhom no maa yεn sε nea ɔwɔ ma yεn no nyinaa akyigyinade.

<sup>6</sup> Eyi nti, daa yεwɔ akokoduru. Yenim sε mmere dodow a yεwɔ saa nipadua yi mu no, εma yεne Awurade fi kwan ware. <sup>7</sup> Efisε yεn nkwa gyina gyidi so na ennyina nea yehu so. <sup>8</sup> Yεwɔ nkuranhyε nti εyε yεn pε sε yebetu afi yεn

fi wɔ saa honam yi mu na yene Awurade akotena ne fi. <sup>9</sup> Sɛ yewɔ yen fi ha anaa nohɔ no, yɛpɛ sɛ yɛsɔ n'ani sen biribiara. <sup>10</sup> Efisɛ ɛsɛ sɛ yen nyinaa ba Kristo anim ma obu yen atɛn. Sɛnea obiara tenaa ase wɔ nipadua no abrabɔ mu no, sɛ ɛyɛ papa anaa bɔne no, wobegyina so abu no atɛn.

### Yene Onyankopɔn Ayɔnkofa

<sup>11</sup> Efisɛ yenim sɛnea yesuro Awurade nti, yɛka ne ho asɛmpa kyerɛ nnipa. Onyankopɔn nim yen yiye na mewɔ anidaso sɛ munim me nso wɔ mo koma mu. <sup>12</sup> Yɛrensan nka yen ho asɛmpa nkyerɛ mo, na mmom yɛrebɔ ho mmɔden sɛnea mode yen bɛhoahoa mo ho na moatumi abua wɔn a wɔde nnipa anim hoahoa wɔn ho na ɛnye wɔn su no. <sup>13</sup> Sɛ yɛabobɔ adam a ɛyɛ yene Onyankopɔn ntam asɛm. Nanso sɛ yen adwene mu da hɔ a, eye ma mo yiyedi. <sup>14</sup> Afei a yɛahu sɛ onipa baako na owu maa nnipa nyinaa wuu bi no nti, Kristo dɔ a ɔde dɔ yen no na ɛhyɛ yen. Eye kyerɛ sɛ nnipa nyinaa wɔ ne wu no mu kyɛfa bi. <sup>15</sup> Owu maa yen nyinaa, sɛnea ɛbɛyɛ a wɔn a wɔte ase no rentena ase mma wɔn ho bio, na mmom wɔbɛtena ase ama nea yen nti owui a wɔma ɔsɔre fii awufo mu no.

<sup>16</sup> Enti ɛnsɛ sɛ yegyina onipa adwene so bu obiara atɛn bio. Na sɛ mpo bere bi a atwam no na yegyina nnipa adwene so na yehu Kristo a, afei de, yɛrenyɛ saa bio. <sup>17</sup> Sɛ obi wɔ Kristo mu a, na ɔyɛ abɔde foforo, na nneɛma dedaw nyinaa atwam ama nneɛma foforo aba. <sup>18</sup> Onyankopɔn ayɛ ne nyinaa. ɔsoma Kristo sɛ ɔmmɛpata ɔne yen ntam na ɔde ɔne afoforo ntam mpata dwumadi no ahyɛ yen nsa. <sup>19</sup> Asɛm a wɔde abrɛ yen ne sɛ, Onyankopɔn nam Kristo so afa nnipa nyinaa adamfo. Onyankopɔn ankan wɔn bɔne antia wɔn na ɔde n'asomdwoe asɛnka ho dwumadi no ahyɛ yen nsa. <sup>20</sup> Enti yɛyɛ asomafo ma Kristo, na ɛte sɛnea Onyankopɔn nam



yɛn so kasa kyerɛ mo. Yesi Kristo anan mu srɛ mo sɛ, momma wɔmfɛ mo mmata Onyankopɔn ho. <sup>21</sup> Na Kristo nni bɔne, nanso yɛn nti Onyankopɔn ma ɔfaa yɛn bɔne, sɛnea ɛbɛyɛ a yɛnam ɔno Kristo so bɛyɛ atreneefo wɔ Onyankopɔn anim.

## 6

<sup>1</sup> Anuanom a yɛne Onyankopɔn bɔ mu yɛ adwuma, yɛsrɛ mo sɛ Onyankopɔn adom a mo nsa aka no, munnnye no kwa. <sup>2</sup> Onyankopɔn se, “Bere a ɛsɛ mu no, mebuwa wo, na nkwagyɛ da no, mɛboa wo.”

Muntie! Dɔnhwerew yi mu na ɛsɛ sɛ munya Onyankopɔn adom, na nnɛ ne nkwagyɛ da no.

<sup>3</sup> Yɛmpɛ sɛ obiara benya yɛn adwuma ho asɛmmɔne aka, enti yɛmpɛ sɛ yɛde hintidua to obiara kwan mu.

<sup>4</sup> Biribiara a yɛbɛyɛ no, ɛsɛ sɛ yɛda yɛn ho adi sɛ Onyankopɔn nkoa na yɛde boasetɔ tumi gyina ɔhaw ne amane nyinaa ano. <sup>5</sup> Wɔahwe yɛn, wɔde yɛn ato afiase, dɔm baa yɛn so, wɔama yɛayɛ adwuma a ɛboro yɛn so, yɛasi pɛ akyen kɔm.

<sup>6</sup> Nanso yɛnam yɛn kronkronyɛ, osuahu, boasetɔ ne ayamye so ada yɛn ho adi sɛ yɛyɛ Onyankopɔn asomfo. Afei yɛnam Honhom Kronkron no so, yɛn nokware dɔ, <sup>7</sup> yɛn nokwasɛm a yɛka ne Onyankopɔn tumi so kyerɛ sɛ yɛyɛ Onyankopɔn asomfo. Trenee ne yɛn akode a yɛde kɔ ɔtamfo so na yɛde bɔ yɛn ho ban nso. <sup>8</sup> Sɛ wɔhoahoa yɛn o, sɛ wogu yɛn anim ase o, sɛ wɔyaw yɛn o, sɛ wɔkamfo yɛn o, yɛkɔ so ara som Onyankopɔn. Wobu yɛn sɛ atorofɔ nanso yɛka nokware. <sup>9</sup> Wɔyɛ wɔn ho sɛnea wonnim yɛn nanso obiara nim yɛn. Yewui, sɛnea muhu no, nanso yɛte ase. ɛwɔ mu sɛ wɔtwee yɛn aso nanso wɔankum yɛn. <sup>10</sup> Wɔmaa yɛn werɛ howee, nanso yɛn ani gye daa. Yɛsɛ ahiafo, nanso

yema nnipa bebre nya wɔn ho. Eyɛ sɛ yɛn nsam nni hwee, nanso yɛwɔ biribiara.

<sup>11</sup> Me nnamfonom a mowɔ Korinto, yɛabue yɛn koma mu aka nokware no akyerɛ mo. <sup>12</sup> Yɛmfaa biribiara nhintaw mo wɔ yɛn koma mu, na mo na mode nsɛm ahintaw yɛn wɔ mo koma mu. <sup>13</sup> Mprempren, mekasa kyerɛ mo sɛ me mma: sɛnea yɛdwene mo ho no, mo nso monnwene yɛn ho saa ara bi. Mommfa biribiara nhintaw yɛn. Mummue mo koma mu!

### Kɔkɔbɔ

<sup>14</sup> Munnyaa mo ho mma abosonsomfo, efisɛ moyɛ no saa a, ɛnyɛ ye. Ɛbɛyɛ dɛn na nea eye ne nea enye behyia? Ɛbɛyɛ dɛn na hann ne sum atena faako? <sup>15</sup> Ɛbɛyɛ dɛn na Kristo ne ɔbonsam adwene ahyia? Dɛn na ogyidini ne nea ɔnyɛ ogyidini wɔ yɛ? <sup>16</sup> Ɛbɛyɛ dɛn na Onyankopɔn asɔredan ne ɔbonsam ahoni ayɛ nhɛhyɛɛ? Yɛyɛ Onyankopɔn a ɔte ase no asɔredan sɛnea Onyankopɔn no ankasa aka se,

“Mede me nkurɔfo bɛyɛ me fi  
na matena wɔn mu;  
mɛyɛ wɔn Nyankopɔn  
na wɔayɛ me nkurɔfo.”

<sup>17</sup> Awurade se,

“Monkɔ. Mumfi hɔ nkɔ  
mommfa mo ho nka biribiara a ɛho ntew.  
Montew mo ho mfi nea ɛho ntew ho  
na megye mo.

<sup>18</sup> Na,

“Mɛyɛ mo Agya,  
na mobɛyɛ me mmabarima ne me mmabea.”  
Otumfo Awurade na ose.

## 7

<sup>1</sup> Me nnamfo pa, wɔahyɛ yɛn saa bɔ yi nyinaa. Enti momma yɛntew yɛn ho mfi biribiara a egu ɔhonam anaa ɔkra no ho fi ho na yɛntena ase wɔ Onyankopɔn mu mfa ntew yɛn ho kronkron.

<sup>2</sup> Mummue mo koma mu mma yɛn. Yɛnyɛɛ obiara bɔne. Yɛnsisii obiara na yetwaa obiara dwow nso. <sup>3</sup> Merenka saa asɛm yi mfa ngu mo anim ase. Sɛnea madi kan aka no, yɛdɔ mo nti daa sɛ yewu o, yɛte ase o, yɛbata mo ho. <sup>4</sup> Migye mo di nti mede mo hoahoa me ho. Yɛn haw nyinaa mu no, mɛmpaa abaw ɛ. Mede ahosɛpɛw retu mmirika no.

<sup>5</sup> Mpo yeduu Makedonia no, yɛanhɔme. Na ɔhaw abunkam hɔnom, akasakasa wɔ wɔn ntam na ehu ahyɛ yɛn so. <sup>6</sup> Onyankopɔn a ɔhyɛ wɔn a wɔpa abaw den no nam Tito ba a ɔbae no so hyɛɛ yɛn den. <sup>7</sup> ɛnyɛ ne ba a ɔbae no nko, na mmom ka a ɔbɛkaa se mohyɛɛ no nkuran no. ɔkaa sɛnea mopɛ sɛ muhu me no kyerɛɛ me. ɔkaa sɛnea mudii yaw ne sɛnea na moasiesie mo ho sɛ mobɛbɔ me ho ban no; enti mpɛmpɛn, ama m'ani agye sen kan no.

<sup>8</sup> Sɛ me krataa a mekyerɛw mo no hyɛɛ mo awerɛhow a, ɛnyɛ me yaw sɛ mekyerɛwee. Mfiase no ɛhaw me nanso mpɛmpɛn de, ɛnhaw me. Minim sɛ krataa no mu nsɛm how mo werɛ bere tiaa bi. <sup>9</sup> Nanso mpɛmpɛn de, m'ani agye; ɛnyɛ sɛ memaa mo werɛ howee no nti, na mmom sɛ mo awerɛhow no ama moasesa mo akwan. Onyankopɔn na ɔmaa mo werɛ howee enti yɛn de, yɛanhaw mo. <sup>10</sup> Awerɛhow a Onyankopɔn de baa mo so no nti, moanya ahonu bi a ɛnam so de mo bɛkɔ nkwaye mu; enti ɛnsɛ sɛ ɛyɛ mo yaw. Nanso awerɛhow a wiase de brɛ yɛn no de, ɛde owu na ɛba. <sup>11</sup> Monhwɛ nea Onyankopɔn nam how a ɔmaa mo werɛ how no so ayɛ. Mopɛ sɛ mufi mo koma mu kyerɛ sɛ munnɪ fɔ.

Mo bo afuw. Mo ho adwiriw mo. Mo ho pere mo pɛ sɛ muhu sɛ atɛntrenee ayɛ adwuma. Moakyerɛ sɛ mudi bem wɔ asɛm yi ho. <sup>12</sup> Ɛwɔ mu sɛ mekyerɛw saa krataa no de, nanso ɛnyɛ obi a ɔyɛ bɔne anaa obi a wɔyɛ no bɔne nti na mekyerɛwee. Na mmom sɛnea mo ankasa mubehu ɔkwan a moafa so atu mo ho asi hɔ ama yɛn wɔ Onyankopɔn anim no. <sup>13</sup> Ɛno na ɛhyɛ yɛn nkuran no.

ɛnyɛ nkuran a ɛhyɛɛ yɛn no nko. Tito nso nam gye a mugyee no maa n'ani gyee no so maa yɛn nso yɛn ani gyɛi. <sup>14</sup> Mede mo ahoahoa me ho akyerɛ no na moanni me nhuammɔ. Daa yɛka nokware kyerɛ mo na hoa a mede mo hoahoa me ho kyerɛ Tito no nso aba mu. <sup>15</sup> Enti sɛ ɔkae sɛnea mo nyinaa pɛɛ sɛ moyɛ osetie ma no na mode obu ne nidi gyee no fɛw so no a, ɛhyɛ ɔɔɔ a ɔɔɔ mo no mu den. <sup>16</sup> Ɛyɛ me anigye sɛ metumi de me ho nyinaa ato mo so.

## 8

### *Ayamyɛ*

<sup>1</sup> Anuanom, yɛpɛ sɛ muhu nea Onyankopɔn adom ayɛ wɔ Makedonia asafo ahorow no mu. <sup>2</sup> Wɔn ahokyere mu no wɔn anigye boroo so, na wɔn hia mu mpo, wuyii ayamyɛ kɛsɛ kyerɛɛ. <sup>3</sup> Midi ho adanse sɛ wɔmaa nea wobetumi ma ɛboroo so mpo. Wɔn ara fii wɔn pɛ mu <sup>4</sup> srɛɛ yɛn sɛ yɛmma wɔmfɛ sika no nkɔma Kristofo a wɔwɔ Yudea no bi. <sup>5</sup> Wɔyɛ ma ɛboroo so. Nea edi kan no, wɔde wɔn ho maa Awurade. Afei wofi Onyankopɔn pɛ mu de wɔn ho maa yɛn nso. <sup>6</sup> Enti yɛka kyerɛɛ Tito a ofii adwuma yi ase se ɔntoa so na ɔmmaa mo na moatumi awie saa ɔɔɔ adwuma yi. <sup>7</sup> Moyɛ adefo wɔ nea mowɔ nyinaa mu: ɔkasa mu ne nimdeɛ mu, mmoa a ɛyɛ mo pɛ sɛ moboa ne ɔɔɔ a mode ɔɔ yɛn mu. Enti yɛpɛ sɛ mode ahofama som wɔ ɔɔɔ mu.

<sup>8</sup> Merenhyehye mmara mma mo. Na mmom mepɛ sɛ mede mo dɔ a mowɔ no toto afoforo de ho hwɛ sɛ mo dɔ no yɛ ɔdɔ kann ana. <sup>9</sup> Munim adom a na yɛn Awurade Yesu Kristo wɔ. Ɔdefo a na ɔyɛ no nyinaa akyi no, mo nti ɔyɛɛ ne ho ohiani sɛnea ɛbɛyɛ a ɔnam ne hia no so bɛma moayɛ adefo.

<sup>10</sup> M'adwene a mewɔ wɔ asɛm no ho ni: Afe a etwaa mu no, mo na mudii kan fii mo pɛ mu yɛɛ ayɛ. <sup>11</sup> Monkɔ so na munnwie dwuma no di. Mommma mo ho mpere mo sɛ mubewie sɛnea mususuwii sɛ mobɛyɛ no. <sup>12</sup> Sɛ wo ho pere wo sɛ wobɛma a, Onyankopɔn nam nea wowɔ so begye, na ɛnyɛ nea wunni so.

<sup>13</sup> Merennye nkurɔfo nnesoa mmegu mo so na mmom, esiane sɛ mowɔ bebreɛ saa bere yi mu no nti, ɛyɛ fɛ sɛ moboa wɔn a wonni bi no. <sup>14</sup> Na sɛ ɛba sɛ biribi ho hia mo na sɛ wɔwɔ bi a, wɔaboa mo. Eyi ma mo nyinaa yɛ pɛ. <sup>15</sup> Sɛnea Kyerɛwɛm no ka se, “Onipa a ɔboaboa dodow ano no annya ammoro so, na nea ɔboaboa kakraa bi ano no nyaa nea ɛbɛso no.”

<sup>16</sup> Yɛda Onyankopɔn ase sɛ wama anigye a mewɔ wɔ mo ho no bi awura Tito koma mu. <sup>17</sup> ɛnyɛ sɛ ɔpenɛ yɛn abisade so nko, na mmom ɔno ankasa fii ne pɛ mu pɛɛ sɛ ɔboa nti na osii n'adwene pi sɛ ɔbɛba mo nkyɛn no. <sup>18</sup> Yɛresoma onua bi a wobu no wɔ asafo ahorow no nyinaa mu wɔ asɛnka adwuma no ho aka ne ho. <sup>19</sup> ɛno akyi no, asafo ahorow no ayi onua yi sɛ ɔne yɛn ntutu akwan wɔ mmere a yɛredi ɔdɔ ho dwuma de ahyɛ Awurade anuonyam yi, na yɛmfɛ nkyɛɛ nso sɛ yɛpɛ sɛ yɛboa. <sup>20</sup> Yɛhwɛ yɛn ho so yiye sɛ asɛm biara remma ɔkwan a yɛbɛfa so de saa akyɛde yi adi dwuma no ho. <sup>21</sup> Yɛn botae ne sɛ yɛbɛyɛ nea eye wɔ Awurade ne nnipa anim.

<sup>22</sup> Enti yɛresoma onipa foforo bi aka Tito ne osuani baako no ho. Yɛasɔ no ahwɛ wɔ akwan ahorow bebreɛ

so na yeahu se eye ne pe se oboa. Na mprenpren ne ho pere no se oboea efise wanya mo mu ahotoso. <sup>23</sup> Tito de, oye me boafa a one me ye adwuma de boa mo, na anuanom a wone no rekɔ no de, woye asɔre ahorow ananmusifo a wɔhye Kristo anuonyam. <sup>24</sup> Momma wonhu ɔɔɔ a modɔ wɔn senea ebeye a asafɔ no nyinaa behu se hoa a yede mo hoahoa yen ho no ye nokware.

## 9

### *Mmoa A Wɔde Ma Onyankopɔn Nkurɔfo*

<sup>1</sup> Eho nhia se mekyerew mo fa mmoa a ese se wɔboa Onyankopɔn nkurɔfo a wɔwɔ Yudea no ho. <sup>2</sup> Minim se eye mo pe se moboa nti mede mo ahoahoa me ho akyerɛ nnipa a wɔwɔ Makedonia no. Mekae se, “Anuanom a wɔwɔ Hela no siesie wɔn ho se wɔboea afe a etwaa mu no mu.” Mo ahokeka no akanyan wɔn mu fa kɛse no. <sup>3</sup> Afei merema anuanom yi aba mo nkyɛn senea ebeye a hoa a yede mo hoahoa yen ho no nye nsɛnkeka kwa. Na senea mekae no, mubesiesie mo ho aboa. <sup>4</sup> Se anye saa na se nnipa no ne me fi Makedonia ba behu se munsiesie mo ho a yen anim begu ase. Mo nso mo anim begu ase bi se mudii yen nhuammɔ. <sup>5</sup> Enti midwen ho huu se eye se anuanom bi di m’anim kan kɔhwehwe akyede a mohyee me ho bɔ no gu hɔ. Eba saa a, bere a medu hɔ no na ewɔ hɔ na ama adi adanse se mo na momae, efise na mope se moma nti, na mmom, enye se na ese se moma.

<sup>6</sup> Monkae saa asem yi: Onipa a ogu aba kakraa bi no, betwa so kakraa bi, na nea ogu aba bebree no, betwa so bebree. <sup>7</sup> Mo mu biara mma senea wadwene ho no, a enye se oyaw anaa ohye mu, efise Onyankopɔn pe obi a ɔde anigye ma akyede no asem. <sup>8</sup> Na Onyankopɔn betumi ama wo aboro nea eho hia wo no so; enti daa na wowɔ nea eho

hia wo, na wubenya bi nso adi dwuma foforo a efata se wudi. <sup>9</sup> Kyerεwsεm no ka se

“Ofi ne koma mu ma ahiafo nea wohia;  
n’adεe no tena hε daa.”

<sup>10</sup> Na Onyankopɔn a ɔma ogufo no aba ne brodo se aduan di no bεma wo nso aba a ehia wo nyinaa na wahwe so ama anyin na w’adεe no nti, asow bebree. <sup>11</sup> Daa ɔbεhwε ma woanya wo ho na woayε adεe, na εnam so ama dodow no ara ada Onyankopɔn ase wɔ akyεde a yenya fi mo nkyεn no ho.

<sup>12</sup> Saa adεe a moyε yi, monnye mma Onyankopɔn nkurɔfo nko, na mmom, anam so ama nnipa bebree ada Onyankopɔn ase. <sup>13</sup> Esiane dwuma a moadi de adi mo ho adanse pa no nti, nnipa gyina nokware a moadi wɔ Kristo asεnka no ne mo adεe a moyε maa obiara no so bεkamfo Onyankopɔn. <sup>14</sup> Enti wɔde ɔɔɔ bεbɔ mpae ama mo, efise Onyankopɔn ama mo adom a εboro so. <sup>15</sup> Yεda Onyankopɔn ase wɔ n’akyεde a enni kabea no ho.

## 10

### *Paulo Yi Ne Ho Ano*

<sup>1</sup> Me, Paulo a se mewɔ mo nkyεn a meye mmerεw, na se minni mo nkyεn nso a mewɔ akokoduru ma mo no, me na mitu saa fo yi. Mesre wɔ me Kristo a ɔye ɔyamyefo no din mu se: <sup>2</sup> Se meba hɔ a monnhye me mma menkasakasa mo anim. Minim yiye se metumi anya akokoduru wɔ nnipa a wɔka se wiasε adwene na ye de di dwuma no no ho. <sup>3</sup> Eyε nokware se ye te wiasε, nanso yennyina wiasε tumi so wɔ yen ko mu. <sup>4</sup> Akode a ye de ko no mfi wiasε. Eyε Onyankopɔn akode a ano ye den a yebetumi de aseε atamfo pampim a wɔabobɔ no. Yεseε akyinnyehunu. <sup>5</sup> Yεseε akwanside biara a etia Onyankopɔn ho nimdeε no. Ye to adwene biara nnareka

ma woye osetie ma Kristo. <sup>6</sup> Se mo setie wie peye na obi san ye asooden wo okwan biara so a, yebetwe n'aso.

<sup>7</sup> Senea nneema te no ara na muhu. Obi wo ho a okari ne ho ka se, oye Kristo de ana? Onii no nkari ne ho bio nhwe, efise yen nso yeye Kristo de senea ono nso ye ne de no. <sup>8</sup> Enye me aniwu se aba se mede tumi a Awurade de ama me se memfa nhwe mo na munyin na memmfa nsee mo no behoahoa me ho. <sup>9</sup> Meme se modwene se mede me nkrataa a makyerew mo no rehunahuna mo. <sup>10</sup> Obi beka se, "Paulo nkrataa mu nsem no ye yaw nanso se oba yen nkyen a, oye bokoo na ne nsem nso nka hwee!" <sup>11</sup> Ese se saa onipa no te ne ho ase se, nsonoe biara nna nsem a ewo yen nkrataa a yekyerew no bere a yenni mo nkyen no, ne nea se yewo mo nkyen a yeye no mu.

<sup>12</sup> Eye nokware, yarentumi mfa yen ho ntoto won a wofa won ho se won asetena koron no ho. Saa nnipa no ye nkwiseafo! Wonom won ho a wode toto won ho won ho so no bu won ho aten. <sup>13</sup> Yen de, yen ahohoahoa no ntra so bi. Yen ahohoahoa no ntra dwuma a Onyankoron atu yen se yenni a mo mu adwumaye ka ho bi no so. <sup>14</sup> Esiane se mowo saa tebea no mu nti, yebaa mo nkyen bekaa Asempa a efa Kristo ho no a yantra. <sup>15</sup> Eyi nti yemmfa adwuma a nkurfo aye no nhoahoa yen ho te se yen ara na yeye. Nea yerepe ne se mo gyidi ase betim na anam so ama yeatumi aye mo mu adwuma a yentra baabi a Onyankoron ahye no. <sup>16</sup> Na yenam so atumi aka Asempa wo aman afoforo so a yemfa adwuma a ofofofo aye no nhoahoa yen ho. <sup>17</sup> Kyerewsem no ka se, "Obiara a ope se ohoahoa ne ho no nhoahoa no wo ade a Awurade aye mu." <sup>18</sup> Efise enye ka a onipa beka ne ho asem pa no na ema Onyankoron gye no to mu, na mmom onipa a Onyankoron no ara beka ne ho asem pa no na ogye no to mu.



## 11

*Paulo Ne Atoro Asomafo*

<sup>1</sup> Mewɔ anidaso sɛ, sɛ meyɛ nkwaseade koraa a mubegye me. Mɛpa mo kyɛw, monyɛ saa. <sup>2</sup> Metwe mo ho ninkunu sɛnea Onyankopɔn twe mo ho ninkunu no. Mote sɛ ɔbabun a mahyɛ ɔbarima baako pɛ bi a ɔno ne Kristo no bɔ sɛ mede mo bɛma no aware. <sup>3</sup> Misuro sɛ wɔbɛsɛɛ mo adwene na mo a mode mo ho nyinaa ama Kristo no, mubegyae sɛnea ɔwɔ no nam anifere so daadaa Hawa no. <sup>4</sup> Mode anigye gye obiara a ɔba mo nkyɛn bɛka Yesu foforo a ɔnyɛ nea yɛka ne ho asɛm kyerɛ mo no di; mugye honhom bi ne asɛmpa bi a nsonoe da ɛno ne Honhom ne Asɛmpa a yɛka kyerɛ mo no ntam no di.

<sup>5</sup> Minnye nni sɛ meyɛ “Asomafo” no mu abomfiaa. <sup>6</sup> Ebia m’ano ntew de, nanso m’adwene mu abue. Yɛnam akwannuasa so akyerɛ mo eyi ase fann. <sup>7</sup> Mɛbɛkaa Onyankopɔn Asɛmpa no kyerɛɛ mo no, mannye mo hwee. Mɛbrɛɛ me ho ase sɛnea ɛbɛma mo akrɔn. So bɔne a meyɛɛ ne sɛ meyɛɛ saa ana? <sup>8</sup> Bere a na mereyɛ mo mu adwuma no, asafo afoforo bi na na wotua me ka. <sup>9</sup> Bere a na mewɔ mo nkyɛn no, sɛ sika ho hia me a, na menhaw mo. Na anuanom a wɔte Makedonia no de biribiara a ɛho hia me brɛ me. Sɛnea na ɛte mmere a atwa mu no, saa ara nso na daakye ɛbɛyɛ. Merenyɛ adeso mma mo da. <sup>10</sup> Kristo nokwaredi a ahyɛ me ma nti, mehɛyɛ mo bɔ sɛ obiara rentumi nka m’ahohoahoa yi nhyɛ wɔ Helaman mu da. <sup>11</sup> Adɛn nti na meka saa? Efisɛ mennɔ mo ana? Onyankopɔn nim sɛ medɔ mo.

<sup>12</sup> Mɛkɔ so adi dwuma a meredi no mprenpren yi sɛnea ɛbɛyɛ a saa “asomafo” no rennya kwan nhoahoa wɔn ho sɛ dwuma a wodi no te sɛ yɛn dwuma a yedi no ara pɛ. <sup>13</sup> Saa nnipa no nyɛ nokware asomafo. Wɔyɛ atoro asomafo a wɔnam twa atoro wɔ wɔn adwuma ho ma nnipa hu wɔn sɛ wɔyɛ Kristo asomafo. <sup>14</sup> ɛnyɛ me

nwonwa, efise ɔbonsam koraa tumi sesa ne ho ma ɔdan ye se hann. <sup>15</sup> Enti enye nwonwa se n'asomfo tumi sesa won ho de daadaa nnipa se woye papa. Awiei no, wobenya won nneye so akatua perepere.

*Paulo Hoahoa Ne Ho*

<sup>16</sup> Miti mu ka bio se: Ense se obiara susuw se meye ɔkwasea. Se mususuw saa a, eno de munnye me senea mubegye ɔkwasea na menam so atumi ahoahoa me ho. <sup>17</sup> Asem a meraka yi nye nea Awurade pe se meka. Meka ahohoahoa ho asem a, na mekasa se ɔkwasea. <sup>18</sup> Nanso esiane se nnipa bebree hoahoa won ho wo nipasumu nti, me nso meye saa. <sup>19</sup> Mo ankasa mo ani atew nti mode anigye gye nkwaseafo. <sup>20</sup> Mugye obi a ohye mo so anaa nea onya mo ho biribi anaa nea osum mo afiri anaa nea ommu mo anaa nea ɔbo mo ani so. <sup>21</sup> Mede fere gye eyi to mu se yeye mmerew dodo wo eyi mu.

Se obi gye kyim de biribi hoahoa ne ho a, merakasa se ɔkwasea, me nso megye kyim ahoahoa me ho wo dekode no ho bi. <sup>22</sup> Woye Hebrifo ana? Me nso meye bi. Woye Israelfo ana? Me nso meye bi. Woye Abraham asefo ana? Me nso meye bi. <sup>23</sup> Woye Kristo asomfo ana? Merakasa se ɔbodamfo. Nanso meye ɔsomfo pa sen won. Maye adwuma a eye den sen won; mada afiase mpen bebree; wɔabɔ me mmaa bebree na metaa mebɛn owu nso. <sup>24</sup> Yudafo bɔɔ me mmaa aduasa akron ahorow anum. <sup>25</sup> Romafo bɔɔ me mmaa mprensa na wosiw me abo penkoro. Metenaa ahyen mu ma ebɔɔ mprensa. Madi asu ase nnɔnhwerew aduonu anan pen. <sup>26</sup> M'akwantu ahorow mu no, mihyiaa nsuyiri ne akwamukafo. Mihuu amane wo Yudafo ne amanamanmufo nsam. Mihuu nkurow so amane. Mihuu wuram amane. Mihuu po so amane ne nnamfo a wonka nokware nsam amane. <sup>27</sup> Maye adwuma a eye den na obre wo mu. Mpen pii

menna. Ɔkɔm ne osukɔm dee me. Mɔɛn pii minnya aduan a ɛbɛso me nni. Minnya baabi nna anaa atade nhyɛ. <sup>28</sup> Bere biara na mema asafɔ ahorow no ho nsɛm yɛ me nsɛnhia. <sup>29</sup> Sɛ obi yɛ mmerɛw a ɛma me nso meyɛ mmerɛw. Sɛ obi ka ɔfoforo kɔ bɔne mu a ɛma me werɛ how.

<sup>30</sup> Sɛ mehoahoa me ho a, na ɛsɛ sɛ mehoahoa me ho wɔ nneɛma a ɛkyerɛ me mmerɛwyɛ no mu. <sup>31</sup> Awurade Yesu no, Onyankopɔn ne Agya no a ɛsɛ sɛ yɛkamfo no no nim sɛ merentwa nkontompo. <sup>32</sup> Bere a mewɔ Damasko no, Amrado a na ɔhyɛ Ɔhene Areta ase no maa awɛmfo wɛn kurow no pon pɛɛ sɛ wɔkyere me. <sup>33</sup> Nanso wɔde me sii kɛntɛn mu twetwee me faa ɔfasu bi a apae tokuru mu de me sii fam ma miguan fii ne nsam.

## 12

### *Paulo Anisoadehu*

<sup>1</sup> Ɛwɔ mu sɛ ahohoahoa so nni mfaso biara de, nanso ɛsɛ sɛ mehoahoa me ho. Nanso afei mɛka anisoadehu ne adiyisɛm a Awurade ada no adi akyerɛ me no. <sup>2</sup> Minim Okristoni bi a mfe dunan ni biribi hwim no de no kɔɔ ɔsoro. Minnim sɛ saa asɛm yi sii ampa ara anaasɛ ɛyɛ anisoadehu. Onyankopɔn nko ara na onim. <sup>3</sup> Miti mu. Minim sɛ wohwim saa ɔbarima yi kɔɔ Paradise. Bio, minnim sɛ saa asɛm yi sii ampa ara anaasɛ ɛyɛ anisoadehu. Onyankopɔn nko ara na onim. <sup>4</sup> Na hɔ na ɔtee nneɛma bi a wɔde ka nsɛm a ɛnyɛ yiye, nsɛm a wɔmma kwan mma wɔnka. <sup>5</sup> Enti mede saa onipa yi bɛhoahoa me ho na meremfa me ara me ho nhoahoa me ho, gye sɛ nneɛma a ɛda me adi sɛ meyɛ mmerɛw no ho. <sup>6</sup> Sɛ mehoahoa me ho mpo a, anka merenyɛ ɔkwasea, efisɛ nokware ara na meka. Nanso merenhoahoa me ho, efisɛ mɛmpɛ sɛ obiara bu me otitiriw sen sɛnea wahu na wate afi me nkyɛn no. <sup>7</sup> Sɛnea ɛbɛyɛ a ɛnam

saa adiyisem nwonwaso yi nti meremma me ho so no, wosomaa obonsam bofo ma ode honam mu yaw a emu ye den breɛ me de breɛ me ase. <sup>8</sup> Meboɔ eyi ho mpae mprensɛ kyerɛɛ Awurade na mesrɛɛ no sɛ ɔmma emfi me so nkɔ. <sup>9</sup> Ne mmuae a ɔmaa me ne sɛ, “M’adom nko ara na eho hia wo, na bere a woaye mmerɛw no na me tumi mu ye den pa ara.” Enti eyɛ me anigye pa ara sɛ mede me mmerɛwyɛ hoahoa me ho, sɛnea ebeyɛ a mɛte Kristo bammɔ tumi a ebɔ me ho ban no nka. <sup>10</sup> Esiane Kristo nti, mepene mmerɛwyɛ, ɔyaw, amanehunu, ɔtaa ne akwanside so. Efisɛ me mmerɛwyɛ mu no na meye den.

<sup>11</sup> Meye me ho sɛ ɔkwasea, nanso mo na moama mayɛ saa. Mo na anka esɛ sɛ mugye me to mu. Na sɛ menyɛ hwee a, ɔkwan biara so no, mennyɛ sɛ abomfiaa wɔ mo anim nsen “Asomafo” a mubu wɔn no. <sup>12</sup> Mede boasetɔ dii dwuma wɔ mo mu de kyerɛɛ sɛ meye ɔsomafo. <sup>13</sup> Dwumadi no bi ye nsɛnkyerɛne ne anwonwade. Dɛn na ema moyɛ asɔre a aka no mu abomfiaa, efisɛ mammisa mo mmoa bi nti? Mesrɛ mo, momfa saa mfomso no nkyɛ me.

<sup>14</sup> Afei masiesie me ho sɛ merebesra mo nea eto so mpɛn abiɛsa, na merenyɛ adesoɔ mma mo. Mo na mo ho hia me na enyɛ mo ahode. Na mpo mmofra nkora ade mma awofo, awofo mmom na wɔkora ade ma mmofra. <sup>15</sup> Ebeyɛ me anigye sɛ mo nti, mɛhwere nea mewɔ ne m’adagyew de aboa mo. Sɛ medɔ mo yiye a, mo dɔ a mowɔ ma me no so bɛtew ana? <sup>16</sup> Mobeɛte ase sɛ na menyɛ adesoɔ mma mo. Nanso obi beka se, meye ɔdaadaafo a mede nnaadaa na eyii mo. <sup>17</sup> ɔkwan bɛn so? Menam abɔfo a mesomaa wɔn mo nkyɛn no so sisii mo ana? <sup>18</sup> Mesomaa Tito se ɔnkɔ, na mesomaa onua baako kaa ne ho. Mokerɛ sɛ Tito sisii mo ana? So na ɔno ne me nyinaa mfi Honhom koro mu ntu anammɔn koro ana?

<sup>19</sup> So mususuw daa sE pE ara na yEpe sE yEka biribi de tetew yEn ho wO mo anim ana? YEka sEnea Kristo pE sE yEka wO OnyankopOn anim. Na biribiara a yEYe no nso, me nnamfo pa, yEYe de hYe mo den. <sup>20</sup> Misuro sE midu hO a sEnea anka mepe sE mihu mo no, merenhu mo saa. Saa ara nso na sEnea anka mope sE muhu me no, morenhu me saa. Minim sE mEba abeto akasakasa ne anibere, abufuw ne pEsEmenkominya, oYaw ne nseku, ahantan ne basabasaye no. <sup>21</sup> Misuro sE da a mEba bio no, OnyankopOn begu m'anim ase wO mo anim na mesu ama wOn a wOaye bOne dedaw na wonnuu wOn ho wO wOn akOnnO ne aguammO ho no.

## 13

### KOkObO A Etwa To

<sup>1</sup> Nsra a eto so abiEsa a merebesra mo ni. KyerEwEm no ka se, "Adanse a nnipa baanu anaa baasa bedi no na eSe sE wOfa." <sup>2</sup> Bere a mebaa mo nkyEn nea eto so abien no, mebO mo kOkO bi. Mereti mu mpren a minni mo nkyEn yi. SE mesan ba bio a, meremfa mo anaa nnipa afoforo bi a wOaye bOne no ho nkyE wOn, <sup>3</sup> efise mope sE muhu nsEnkyerEnne bi sE Kristo nam me so kasa. Onye mmerEw sE oBye mo mu adwuma, na mmom oW tumi wO mo mu. <sup>4</sup> EwO mu sE mmerEwyE mu na wObO no asennua mu, nanso OnyankopOn tumi mu na ote ase yi. YEYe mmerEw de, nanso ayOnkofa a yEne no wO nti, yEne no beta na wO OnyankopOn tumi mu.

<sup>5</sup> MonsO mo ho nhwe, na mummu mo ho atEn nhwe sE mote ase wO gyidi mu ana. Munim yiye sE Kristo Yesu te mo mu ana? SE onte mo mu a na Ekyere sE moantumi sohwE no. <sup>6</sup> Minim yiye sE mubehu sE yeanni nkogu. <sup>7</sup> Afei yEbO mpae sE OnyankopOn sE morenyE biribiara a enye. YEmpE sE nnipa behu sE yEwO tumi bi wO mo

so. Mpo sE wuhu yEn sE yEsE nnipa a yEadi nkogu wO yEn adwuma mu a, yEpe, efise yEpe sE mobeyE nea eye de adi nkonim. <sup>8</sup> YErntumi nsOre ntia nokware, na mmom nokware nko ara na EsE sE yegyina ma no. <sup>9</sup> Sē yehu sE yEyE mmerEW na moyE den a, na yEn ani agye. Enti yEn nso yErebO mpae sE mobeyE pE. <sup>10</sup> Eno nti na merekyerEW saa krataa yi abre mo, sEnea EbeyE na, sE meba a merennyina tumi a Awurade de ama me sE memfa mmoa mo na munyin na mo mu antetew no so ne mo nni no anibere so.

<sup>11</sup> Enti anuanom, makra mo! Mompere nhwehwE ade pa; muntie m'afotu; mo ne mo ho mo ho nka na montena ase asomdwoe mu. Na odo ne asomdwoe Nyankopon no ne mo betaena.

<sup>12</sup> Momfa onuado nkyiakya mo ho mo ho.

<sup>13</sup> Onyankopon nkurOfo nyinaa kyiakya mo.

<sup>14</sup> YEn Awurade Yesu Kristo dom ne Onyankopon do ne Honhom Kronkron no ayonkofa nka mo nyinaa.

Biblica® Wonhia ɛho kwamma nhoma Asante Twi Nkwa  
Asɛm™  
Twi: Biblica® Wonhia ɛho kwamma nhoma Asante Twi Nkwa  
Asɛm™ (Bible)

copyright © 2020 Biblica, Inc.

Language: Asante Twi (Twi)

Dialect: Asante

Translation by: Biblica, Inc.

This work is made available under the Creative Commons Attribution-ShareAlike 4.0 International License (CC BY-SA). To view a copy of this license, visit <http://creativecommons.org/licenses/by-sa/4.0> or send a letter to Creative Commons, PO Box 1866, Mountain View, CA 94042, USA.

Biblica® is a trademark registered by Biblica, Inc., and use of the Biblica® trademark requires the written permission of Biblica, Inc. Under the terms of the CC BY-SA license, you may copy and redistribute this unmodified work as long as you keep the Biblica® trademark intact. If you modify a copy or translate this work, thereby creating a derivative work, you must remove the Biblica® trademark. On the derivative work, you must indicate what changes you have made and attribute the work as follows: “The original work by Biblica, Inc. is available for free at [www.biblica.com](http://www.biblica.com) and [open.bible](http://open.bible).” Notice of copyright must appear on the title or copyright page of the work as follows: Biblica® Open Asante Twi Contemporary Bible™

Copyright © 1996, 2020 by Biblica, Inc.

“Biblica” is a trademark registered in the United States Patent and Trademark Office by Biblica, Inc. Used with permission.

You must also make your derivative work available under the same license (CC BY-SA).

If you would like to notify Biblica, Inc. regarding your translation of this work, please contact us at <https://open.bible/contact-us>.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2021-06-30

---

PDF generated using Haiola and XeLaTeX on 29 Jan 2022 from source files dated 29 Jan 2022

14163569-3294-53ff-a970-30b3c0d1f237